



Digital Payment of Zakat: Community Perceptions and Prospects in Brunei

KAMARU SALAM BIN YUSOF¹ AND MUHAMMAD ZAKI BIN HAJI ZAINI @ JAINEH²

¹Universiti Islam Sultan Sharif Ali, Brunei Darussalam. Kamaru.

Email: yusof@unissa.edu.bn, drkyusof@gmail.com

²Universiti Islam Sultan Sharif Ali, Brunei Darussalam.

Email: zaki.zaini@unissa.edu.bn

Received: January 09, 2023

Accepted: April 24, 2023

Online Published: June 05, 2023

Abstract

Zakat is one of the important pillars of Islam in building and strengthening relationship among community members. Zakat and Prayers have been made obligatory since the beginning of Islam. Traditionally, the disbursement of zakat is handed from the payer to recipients in cash through appointed council or directly from the payer. With the advancement of technology, the distribution and collection of zakat has changed tremendously and moving towards digitalization. This advancement in technology has reduced the physical need of transferring zakat cash from payers to recipients. This study focus on the objectives and rulings of Syariah as well as the acceptance of society towards digitalizing payment and disbursement of zakat in Brunei Darussalam. Payment of zakat can be done in digital form without having the need to be physically present at the zakat office. In this study, interviews were conducted with the public, Islamic scholars and jurist to gather their views and opinions. Traditional documents and related materials were also analyzed. The study found that the 'spirit' of zakat lies in the solidarity and humane amongst the community. It is also found that high rate of payment of zakat fit'r but this is not reflected in the payment of zakat al mal. Digital payment of zakat is still considered low despite the acceptance of digital payment of zakat is high and rate of access to smartphones and digital literacy is also high. Society needs more awareness of the digital payments of Zakat through various awareness programme.

Keywords: modern devices, zakat payment, zakat Brunei

Penggunaan Peranti Moden dalam Pembayaran Zakat; Kajian Respon Masyarakat dan Prospek di Negara Brunei Darussalam

Abstrak

Zakat menjadi rukun Islam yang penting dalam pembinaan dan perhubungan sesama ahli masyarakat. Ia dirangkumkan dengan al-solah (sembahyang) dan diwajibkan sejak awal Islam lagi walaupun dalam bentuk yang sedikit berbeza. Sejak berzaman, ia dilaksanakan secara terus dan disampaikan dari tangan pemberi kepada penerima dalam bentuk fizikal. Perkembangan moden yang mengurangkan sentuhan antara sesama manusia dengan ciptaan pelbagai alatan moden telah mengubah bentuk penyerahan dan penyampaian zakat ini. Zakat boleh tidak lagi disampaikan secara terus dari tangan ke tangan bahkan hanya secara digital atau maya. Kajian ini menumpukan kepada persoalan maqasid, hukum dan sikap penerimaan masyarakat terhadap isu di Negara Brunei Darussalam. Kajian dilakukan dengan pengumpulan dan penelitian terhadap bahan dan kitab tradisional, temu ramah tokoh-tokoh yang terlibat dalam penentuan hukum syar'i di peringkat negara, temu ramah para akademik, dan juga kajian responden dari kalangan ahli masyarakat. Kajian mendapati bahawa 'roh' kepada zakat terletak kepada bantuan dan hubungan kemasyarakatan dan bukannya pada cara dan alat penyerahan. Kebanyakan ahli masyarakat Brunei Darussalam telah menunaikan zakat fitrah. Namun begitu pembayaran zakat al-mal (selain zakat fitrah) adalah kurang. Kajian mendapat kemahiran penggunaan peranti moden adalah tinggi tetapi pembayaran zakat melalui peranti terkini masih kurang walaupun masyarakat secara umumnya menerima hukum pembayaran mengikut cara tersebut. Masyarakat memerlukan kepada pendedahan yang lebih terhadap pembayaran menggunakan cara ini melalui promosi dan pendedahan yang meluas.

Kata kunci: peranti moden, pembayaran zakat, zakat Brunei



1.0 Pendahuluan

Zakat merupakan salah satu dari rukun Islam yang telah ditegaskan oleh Al-Quran dan hadis secara jelas dan menjadi suatu *'ma ulima min al-deen bi al-darurah'*¹(Qarafi, 1948) Ianya telah disebut seiring dengan solat sebanyak 32 kali di dalam al-Quran dan disebut secara sendirian sebanyak 3 kali. Walaupun pada awal Islam, ianya dinamakan sebagai *'sodaqah'* dan tidaklah dinamakan sebagai *'al-zakah'* terutamanya semasa Nabi *Sallallahu Alayhi Wasallam* di Mekah al-Mukarramah, tetapi ia sebenarnya memberi makna yang sama kerana zakat adalah diwajibkan secara jelasnya semasa Baginda Nabi *Sallallahu Alayhi Wasallam* telah berpindah ke Madinah Al-Munawwarah iaitu pada tahun ke 2 Hijrah.

Kebersamaan zakat dan solat di dalam ayat-ayat Al-Qur'an memberikan satu gambaran tentang kepentingannya dan ia mengandungi hikmah pensyariatan yang besar. Ini menunjukkan bahawa zakat bukan hanya satu rukun yang merupakan pembuktian Islam seseorang semata-mata, bahkan ianya adalah satu instrumen penting dalam pembinaan masyarakat Islam. Ianya sebenarnya adalah alat pengukuhan kepada pembinaan sistem sosial Islam. Perkara mendorong untuk pencarian sebab dan *maqasid* dari hukum kewajipan zakat. Hasil dari *maqasid* kewajipan zakat ini akan mungkin membolehkan perubahan hukum-hukum yang berkaitan dengannya selagi mana ia tidak bercanggah dengan kaedah umum syarak. Kajian ini juga akan lebih memberikan fokus kepada respon yang dibuat di kalangan penduduk Negara Brunei Darussalam terhadap penggunaan peranti semasa dan prospek perlaksanaannya.

2.0 Maqasid Zakat

Apabila Allah menetapkan sesuatu hukum, sudah pasti ianya tidak akan sia-sia atau tanpa kebaikan. Imam Shatibi selaku bapa *maqasid* di dalam sejarah Islam telah menyebutkan bahawa setiap hukum di dalam syariat Islam mempunyai *maqasid* dan maslahahnya yang tersendiri (Al-Shatibi, 1997). Mustahil bagi Allah Subhanahu Wa Ta'ala melakukan sesuatu dengan sia-sia kerana ianya adalah sifat mustahil bagi Allah Subhanahu Wa Ta'ala.

Firman Allah Subhanahu Wa Ta'ala:

(أَفَحَسِبْتُمْ أَنَّمَا خَلَقْنَاكُمْ عَبَثًا وَأَنَّكُمْ إِلَيْنَا لَا تُرْجَعُونَ)

Maafhumnya: Adakah kamu menyangka kami menciptakan kamu secara sia-sia (tanpa tujuan) dan kamu tidak dikembalikan kepada kami? (al-Quran. Al-Mukminun:115)

Zakat juga tidak terlepas kerana ianya adalah termasuk di dalam perkara yang telah diwajibkan oleh Allah. Antara *maqasid* yang jelas disebutkan oleh Allah mengenai zakat ialah firman Allah Subhanahu Wa Ta'ala:

(خُذْ مِنْ أَمْوَالِهِمْ صَدَقَةً تُطَهِّرُهُمْ وَتُزَكِّيهِمْ بِهَا)

Maafhumnya: Ambillah dari harta mereka sedekah untuk membersihkan mereka dan menyucikan mereka dengannya. (al-Quran. Al-Tawbah: 103)

Jelas arahan Allah yang meminta dari Nabi *Sallallahu Alayhi Wasallam* supaya mengambil zakat dari umat Islam dan secara jelas pula menyebutkan *maqasid* daripada pengambilan tersebut. *Maqasid*nya ialah untuk membersihkan diri pemberi zakat tersebut dari dua aspek sekali gus iaitu pembersihan diri pemberi dan pembersihan harta yang dimilikinya.²

Syeikh Abu Hasan Ali An-Nadawi (Al-Nadawi, 1974) menghuraikan hubungan yang erat antara zakat dan pembinaan seseorang muslim. Ia bukan hanya sekadar pemberian peribadi seseorang kepada seseorang lain yang memerlukan. Ianya lebih kepada satu sistem yang lengkap dan diperlukan oleh masyarakat Islam. Kesungguhan Khalifah Abu Bakar r.a untuk memerangi orang yang tidak mahu membayar zakat adalah jelas menunjukkan isu zakat bukanlah isu peribadi tetapi ia adalah lebih kepada isu penyusunan ekonomi masyarakat. (Al-Qardawi, 1969) di dalam bukunya yang masyhur *Fiqh al-Zakah*.³

¹ Kadangkala di sebutkan dengan istilah *المعلوم من الدين بالضرورة* Satu istilah yang telah digunapakai oleh ulama Islam di dalam kitab-kitab dan buku mereka sejak zaman awal penulisan ilmu-ilmu Islam. Ianya beerti suatu yang tidak dapat tidak mesti diketahui oleh semua orang yang beragama Islam tanpa kompromi.

² Al-Najran (سليمان بن محمد النجران) M. S. (2018). *جباية الزكاة بين مقاصد الشريعة والحوكمة الرشيدة: بناء وتوظيف*. *at-Tajdid - A Refereed Arabic Biannual - Fiqh al-Zakah* 22(34A), 93–132. Retrieved from <https://journals.iium.edu.my/at-tajdid/index.php/tajdid/article/view/458>

³ Lihat *Fiqh Zakah* Yusof Al-Qardhawi dan Buku *Al-Arkan Al-Arba'ah Fi Dhau Al-Kitab wa Sunnah* – Abu Hasan Ali Al-Nadawi. Muka 95 dan seterusnya.



Maka *maqasid* dari Zakat ialah pembersihan dan ianya perlulah dilaksanakan oleh pihak yang berkuasa dan bukan hanya diserahkan kepada individu-individu secara terpisah.(Al-Najran, 2018)

Kesimpulannya *maqasid* utama dari zakat adalah pembersihan sebagaimana nama zakat tersebut di ambil daripada perkataan *zakayazku* yang memberi makna *tazkiyah* iaitu pembersihan.(Ibnu Manzur, 1994) Dua aspek ini hendaklah berlaku di dalam proses kutipan, penyimpanan, pengurusan dan pembahagian 'distribution'. Tanpanya, boleh dikatakan *maqasid* dari kewajipan zakat tersebut telah hilang.⁴ Dapatlah difahami juga kenapa sejak awal lagi semasa Nabi *Sallallahu Alayhi Wasallam* di Makkah, *sodaqoh* atau sumbangan harta telah disebutkan oleh Allah *Subhanahu Wa Ta'ala* di dalam Al-Qur'an (Al-Mawardi, n.d.).⁵

3.0 Penggunaan Alat Moden Di Dalam Ibadah

Apabila berlaku perubahan dan perkembangan kehidupan manusia, banyak perkara yang tidak wujud di zaman Baginda Nabi *Sallallahu Alayhi Wasallam* telah muncul setiap hari demi hari. Ianya tidak dapat disekat atau dihalang kerana telah menjadi naluri seluruh manusia untuk mengambil apa yang mudah dan terbaik bagi memenuhi kehidupan mereka. Persoalan yang timbul ialah adakah Islam menolak penggunaan bentuk-bentuk peralatan baru di dalam pelaksanaan ibadah-ibadahnya? Jika peralatan dalam ibadah adalah satu yang tetap, maka tentunya banyak peralatan baru tidak dapat digunakan sedangkan perkara ini tidak pernah dihalang oleh mana-mana ulama sekali pun.(Abdelhamed, 2020)

Sebagai contohnya, isu penggunaan alat siaraya dan pembesar suara semasa azan, solat dan ketika penyampaian ilmu-ilmu di masjid-masjid, penggunaan teropong pandang bagi penentuan anak bulan sempena ketibaan bulan hijrah, penggunaan kenderaan semasa menunaikan haji, penggunaan alat moden untuk memproses daging-daging akikah dan korban sudah diterima umum walaupun ianya tidak pernah digunakan oleh baginda Nabi *Sallahu 'Alayhi Wasallam*.

4.0 Pengumpulan Zakat Menggunakan Peranti Semasa

Di kawasan Nusantara yang bermazhab Syafie, zakat tidak banyak mengalami perubahan dalam cara pembayarannya. Antara perubahan yang dianggap besar mungkin ialah perkara atau bahan yang digunakan semasa pembayaran. Mengikut pendapat yang paling kuat di dalam mazhab Syafie, zakat fitrah mestilah dibayar menggunakan makanan yang digunakan oleh si pembayar (Al-Nawawi, n.d.)⁶ pada kebiasaannya ialah beras. Tetapi memandangkan kesukaran yang akan dihadapi, para ulama khususnya di Nusantara telah bersetuju untuk mengubah cara pembayaran tersebut dengan menukarkannya kepada nilai beras dan bukannya beras. Ini adalah mengikut pandangan mazhab Hanafi yang membenarkan pembayaran zakat melalui nilai sahaja dan bukannya barangan makanan asasi (Al-Sarakhsyiy, 1993)⁷

Tiada ulama yang mempertikaikan perubahan ini pada masa ini memandangkan *maqasid* yang lebih besar dapat dicapai daripada cara pembayaran bentuk ini berbanding pembayaran yang menggunakan bijian atau beras bagi penduduk di kawasan Nusantara. *Maqasid*, *maslahah* dan faedah dari apa yang telah diamalkan oleh masyarakat serta ketiadaan bantakan dari para sarjana Islam semasa menunjukkan bahawa bentuk dan cara pembayaran bukanlah merupakan sesuatu yang utama di dalam rukun zakat.(Ibn Hazmin, n.d.)⁸ Ini ditambah lagi apabila Baginda Nabi *Sallahu 'Alayhi*

⁴ Aspek pembersihan dan pemurnian (jiwa dan harta) telah menjadi *maqasid* utama dari zakat. Perkara ini telah dipersetujui oleh ramai sarjana Islam sejak dahulu lagi. Lihat Raisuni. (2009). Dar Aman, Rabat (Morocco). Muka 128.

⁵ Zakat dan sedeqah digunakan oleh Al-Qur'an kadang-kadang untuk menunjukkan kepada makna yang sama dan kadang-kadang untuk menunjukkan kepada makna yang berbeza. Ianya diterangkan oleh Imam Al-Mawardi di dalam kitab beliau yang masyhur Al-Ahkam Al-Sultoniyyah. Abu Hasan Ali bin Muhammad Al-Mawardi. Al-Ahkam Al-Sultoniyyah. Darul Hadis, Kaherah. T.th. halaman 179.

⁶ Lihat pandangan Mazhab Syafie mengenai barangan yang boleh digunakan untuk pembayaran zakat di dalam Kitab Al-Majmu' Syarh al-Muhazzab. Imam Nawawi. al-Nawawi, Yahya bin Syaraf. 1980. al-Majmu' Sharh al-Muhazzab li al-Shirazi. Jeddah: Maktabah al-Irshad.

⁷ Pelbagai pandangan dalam permasalahan ini telah dikumpulkan oleh Imam Sarakhsy di dalam kitabnya. Lihat pandangan ini di dalam kitab-kitab fiqh mazhab Hanafi seperti Al-Mabsut oleh Imam Syarakhsi. (1993) Darul Ma'rifah, Beirut. Vol. 3 page 107

⁸ Ini adalah berdasarkan kaedah Istihsan sebagaimana yang dijelaskan oleh Syekh Ibn Hazm di dalam kitab masyhurnya Al-Ihkam. Kaedah ini diambil dari Hadis yang menganggap apa sahaja yang diterima pakai di dalam masyarakat dan tidak ditolak oleh orang-orang Islam, maka ianya dianggap suatu yang boleh diterima.



Wasallam tidak pernah menentukan atau menyekat bentuk-bentuk tertentu dan alat yang digunakan selagi mana ianya dapat mencapai tujuan dari zakat tersebut (Al-'Asqalani, 2003)⁹

Penggunaan peralatan elektronik ini tidak ketara sebelum tahun 1980an. Namun perkembangan telekomunikasi yang berlaku pada tahun 90an telah menjadikan penggunaan peralatan komputer dan telekomunikasi berkembang dahsyat dan meluas dan akhirnya digunakan oleh kebanyakan majoriti manusia pada hari ini (Leiner et al., 2009) Bila hampir keseluruhan badan dan syarikat konvensional mula menggunakan semua bentuk baru ini, badan-badan Islam juga mula berusaha ke arah yang sama. Tidak terkecuali penggunaan peralatan moden dan internet bagi menggantikan cara tradisional pembayaran zakat. Di Nusantara, ianya telah mula digunakan secara meluas pada pertengahan 2000an.(Nilawati & Rijal, 2019).¹⁰ Penggunaan telah dilakukan di Indonesia (Hakim, Mulazid, & Meiria, 2018)(Jaelani, 2015) dan juga di Malaysia (Salleh & Chowdhury, 2020)

Pada awal Ramadhan 1442H bersamaan 2021M pula, pertama kali Majlis Ugama Islam Brunei telah juga melaksanakan kutipan pembayaran zakat fitrah menggunakan cara online. Ianya dilakukan dengan kerjasama Bank Islam Brunei dan Syarikat telekomunikasi terbesar di Brunei; Datastream Digital Sdn Bhd (DST). Pelaksanaan ini adalah merujuk kepada Fatwa Mufti Kerajaan Negara Brunei Darussalam melalui siri fatwa (16/2020) Bil.24-1/2/5Ej(2) bertarikh 18 Syawal 1441 bersamaan 10 Jun 2020 yang menyebutkan bahawa pembayaran zakat dalam talian adalah harus dan sah kerana ia memenuhi tatacara yang ditetapkan oleh syarak' dalam pembayaran zakat.¹¹

5.0 Kajian Dan Respon Masyarakat Islam Di Negara Brunei Darussalam

Kajian telah dilaksanakan di Negara Brunei Darussalam untuk mengkaji beberapa isu mengenai pembayaran zakat menggunakan peranti semasa setelah ianya dilaksanakan selama hampir 2 tahun. Kajian ini memfokuskan kepada dua (3) perkara utama:

1. Tahap kefahaman dan penerimaan masyarakat Islam di Negara Brunei Darussalam terhadap keperluan pembayaran zakat.
2. Tahap penerimaan masyarakat Islam terhadap penggunaan peranti terkini untuk pembayaran zakat.
3. Prospek penggunaan peralatan peranti terkini dalam pembayaran zakat di Negara Brunei Darussalam.

Kajian telah dijalankan melalui temu bual, soal jawab dan mendapatkan respon secara *online*(dalam talian) seramai 92 orang orang. Di dalam kertas ini, hanya analisis yang diperolehi dari data responden kaji selidik sahaja yang dibentangkan.

Antara soalan yang dikemukakan di dalam kaji selidik tersebut ialah:

1. Profesion.
2. Pekerja swasta atau kakitangan kerajaan.
3. Bekerja secara individu atau syarikat.
4. Siapakah di kalangan keluarga yang membayar zakat harta (selain zakat fitrah).
5. Jenis Zakat yang dibayar.
6. Sebab kenapa tidak membayar zakat.

⁹ Perkara ini boleh dengan jelas di dalam kitab-kitab hadis yang mengumpulkan persoalan zakat sebagaimana yang diceritakan oleh Nabi *Sallallahu Alayhi Wasallam*. Lihat *Bulughul-Maram* oleh Ibnu Hajar al-'Asqalani. Imam Ibnu Hajar mengumpulkan sebanyak 51 hadis yang berkaitan dengan Zakat. Tidak ada yang menyentuh cara dan alat yang patut di gunakan dalam pengumpulan zakat. Lihat Al-'Asqalani. Ahmad bin Ali bin Hajar (1424H). Dar Falaq, Riyadh. *Bulugh al-Maram min Adillah al-Ahkam*. Muka 169.

¹⁰ Penggunaannya telah meluas dan dilaksanakan oleh kebanyakan badan pengumpul zakat di seluruh dunia Islam. BAZNAZ di Indonesia telah mara ke depan dengan memperkenalkan pelbagai saluran untuk pengumpulan zakat. Lihat Beik I.S., Swandaru R., Rizkiningsih P. (2021) Utilization of Digital Technology for Zakat Development. In: Billah M.M. (eds) *Islamic FinTech*. Palgrave Macmillan, Cham. https://doi.org/10.1007/978-3-030-45827-0_13. Di Malaysia, penggunaan internet telah dimanipulasi untuk pembayaran Zakat dimulakan oleh Lembaga Zakat Selangor pada tahun 30 Mei 2006. Lihat Ahmad, N. N., Tarmidi, M., Ridzwan, I. U., Hamid, M. A., & Roni, R. A. (2014). The application of unified theory of acceptance and use of technology (UTAUT) for predicting the usage of e-zakat online system. *International journal of science and research (IJSR)*, 3(4), 63-70.


¹¹ <http://www.kheu.gov.bn/SitePages/ZFQP/ZakatFitrahQPDSDT.aspx>




7. Penggunaan peranti semasa untuk pembayaran zakat.
8. Pandangan adakah pembayaran zakat menggunakan peranti dibolehkan.
9. Penggunaan eZakat yang diperkenalkan oleh Majlis Ugama Islam Brunei.

Antara penemuan dan hasil kajian dan kaji selidik yang dijalankan ialah:

1. Majoriti ahli masyarakat menyedari kewajipan membayar zakat fitrah tahunan dan kebanyakan dari mereka membayar zakat tersebut. Hanya kurang dari 3% dari kalangan yang diselidiki tidak membuat bayaran zakat fitrah.




2. Masih banyak dikalangan ahli masyarakat yang agak keliru dengan kewajipan membayar zakat selain dari zakat fitrah. Oleh kerana itu, ramai dari mereka tidak membuat bayaran zakat harta (selain dari zakat fitrah)
3. Kebanyakan ahli masyarakat yang diselidiki memang mahir menggunakan peranti semasa (telefon, tablet atau komputer) (jawapan 'Ya'.



4. Hampir keseluruhan responden mengakui bahawa penggunaan alat peranti semasa akan memudahkan untuk pembayaran zakat. (Jawapan 'Ya')



5. Dalam penggunaan peralatan peranti semasa, walaupun bagaimanapun, majoriti masih belum menggunakan kemudahan tersebut. Hanya 13% sahaja dari responden mengakui mereka telah menggunakan kemudahan eZakat yang telah diperkenalkan oleh Majlis Ugama Islam Brunei. (jawapan 'Ya' ialah menggunakan. Jawapan 'Tidak' ialah tidak menggunakan).



6.0 Hasil Kajian

Hasil dari kajian yang dilaksanakan menunjukkan bahawa secara umumnya masyarakat Islam di Negara Brunei Darussalam amat sensitif dalam pelaksanaan Islam. Mereka amat menitikberatkan pelaksanaan Islam dan ingin melakukannya dalam apa juga keadaan. Suatu yang dapat dilihat juga ialah kepercayaan yang tinggi yang diletakkan ke atas pemerintah dan menerima segala ketetapan dan ketentuan dari pihak berwajib. Kajian juga menunjukkan bahawa kepatuhan ahli masyarakat terhadap kewajipan membayar zakat fitrah adalah tinggi. Hanya sedikit sahaja dari responden (kurang dari 3%) yang mengakui tidak membayar zakat fitrah. Sungguhpun begitu, kemungkinan keadaan status keluarga yang daif atau kekurangan ilmu terhadap kewajipan tersebut menjadi sebab kepada keadaan tersebut.

Suatu yang ketara ialah pelaksanaan kewajipan membayar zakat harta (selain dari zakat fitrah) adalah rendah. Pelbagai jawapan diberikan ketika ditanya. Antara jawapan yang diterima ialah tidak tahu, tidak tahu cara, cerewet, tidak tahu pengiraan dan lain-lain jawapan yang menunjukkan kepada kekurangan pendedahan dan bukannya kurang keinginan. Merasai cerewet adalah salah satu dari jawapan dan ianya mungkin boleh diselesaikan dengan penggunaan peralatan dan peranti terkini semasa. Tetapi sebab lain yang diberikan memerlukan kepada pendedahan dan promosi yang lebih dari pihak yang berwajib.

Bahagian terakhir dari kajian memfokuskan kepada penggunaan peranti semasa dalam pembayaran zakat. Majoriti ahli masyarakat memang didapati mahir di dalam penggunaan peralatan perhubungan dan peranti semasa. Majoriti ahli masyarakat juga sebenarnya menerima bahawa penggunaan peranti untuk pembayaran zakat adalah dibolehkan kerana kepercayaan yang tinggi yang telah diletakkan kepada badan yang mengeluarkan hukum dalam negara. Isu hanya berlaku pada penggunaan kemudahan tersebut yang masih rendah. Adakah ianya disebabkan masih baru dan masyarakat belum terbiasa dengan cara baru ini atau masyarakat sebenarnya belum mengetahui sepenuhnya kewujudan cara ini? Kedua-dua sebab ini memerlukan tindakan segera dari pihak berwajib bagi memberi kemudahan kepada orang ramai.

7.0 Prospek Penggunaan Peranti Semasa Dalam Pembayaran Zakat Di Negara Brunei Darussalam

Berdasarkan kepada kajian ringkas yang telah dibuat di atas, ternyata prospek untuk penggunaan peranti semasa adalah tinggi terutama di Negara Brunei Darussalam. Ini adalah kerana sebab-sebab berikut:

1. Peratusan yang tinggi di kalangan ahli masyarakat yang berkemahiran menggunakan peranti semasa.
2. Keadaan negara yang kecil memudahkan rangkaian telekomunikasi dicapai oleh seluruh ahli masyarakat
3. Penduduk yang tidak ramai memudahkan kesedaran dan promosi kemudahan ini disampaikan kepada semua orang.
4. Kepercayaan ahli masyarakat yang tinggi terhadap badan-badan agama yang disediakan oleh pihak kerajaan.

Keadaan yang wujud ini memudahkan tercapainya peratusan tinggi pembayaran zakat menggunakan peranti semasa di Negara Brunei Darussalam.

8.0 Kesimpulan

Kajian awal ini memberikan beberapa kesimpulan yang boleh diperbincangkan dengan lebih terperinci. Kajian menunjukkan bahawa walaupun terdapat pelbagai pandangan dalam cara kutipan zakat, namun hampir keseluruhan masyarakat dan negara di Nusantara (Indonesia, Malaysia, Brunei, Thailand dan Singapura) telah menerima penggunaan peralatan komunikasi moden untuk pembayaran dan kutipan zakat. Secara langsung juga ia telah dan akan

Rujukan

- Abdelhamed, E. H. A. (2020). The means of modern technology and their impact on worship (Purity-Prayer as a model): A Jurisprudential Study: *دراسة فقهية (وسائل التقنية الحديثة وأثرها في العبادات (الطهارة- وسائل التقنية الحديثة وأثرها في العبادات (الطهارة-)* 3(6), 36-45.
- Al-'Asqalani, A. bin A. bin H. (2003). *Bulugh al-Maram min Adillah al-Ahkam*. Riyadh: Dar al-Falaq.
- Al-Mawardi, A. H. A. bin M. (n.d.). *Al-Ahkam Al-Sultoniyyah*. Cairo: Darul Hadith.
- Al-Nadawi, A. al-H. A. al-H. (1974). *Al-Arkan al-Arba'ah fi Dhau'i al-Kitab Wa al-Sunnah* (3rd ed.). Kuwait: Daar al-Qalam.
- Al-Najran, M. S. (2018). جباية الزكاة بين مقاصد الشريعة والحكمة الرشيدة: بناء وتوظيف. *At-Tajdid-A Refereed Arabic Biannual* 132-93.
- Al-Nawawi, Y. bin S. (n.d.). *Al-Majmuk Sharh al-Muhazzab*. Dar Al-Fikr.
- Al-Qardawi, Y. (1969). *Fiqh Az-Zakah*. Beirut: Darul Irsyad.
- Al-Sarakshiy, M. bin A. bin A. S. (1993). *Al-Mabsut*. Beirut: Dar al-Makrifah.
- Al-Shatibi, I. bin M. (1997). *Al-Muwafaqat*. Dar Ibn Affan.
- Hakim, A. R., Mulazid, A. S., & Meiria, E. (2018). E-Zakat: Redesign the collection and distribution of Zakat. *KnE Social Sciences*, 433-452.
- Ibn Hazmin, A. bin A. bin S. (n.d.). *Al-Ihkam fi Usul al-Ahkam*. Beirut: Dar al-Afaq al-Jadidah.
- Ibnu Manzur, M. bin M. bin A. (1994). *Lisan al-'Arab* (3rd ed.). Beirut: Dar Sodir.
- Jaelani, A. (2015). Manajemen Zakat di Indonesia dan Brunei Darussalam. CV. Aksarasatu, Cirebon. pp. 1-201.
- Leiner, B. M., Cerf, V. G., Clark, D. D., Kahn, R. E., Kleinrock, L., Lynch, D. C., ... Wolff, S. (2009). A brief history of the Internet. *ACM SIGCOMM Computer Communication Review*, 39(5), 22-31.
- Nilawati, N., & Rijal, K. (2019). POTENSI PEMBAYARAN ZAKAT SECARA ONLINE DAN OFFLINE SERTA REALISASI DANA ZAKAT INDONESIA. *I-ECONOMICS: A Research Journal on Islamic Economics*, 5(2), 116-131.
- Qarafi, A. bin I. (1948). *Al-Furuq*. 'Alam al-Kitab.
- Salleh, M. C. M., & Chowdhury, M. A. M. (2020). Technological Transformation in Malaysian Zakat Institutions. *International Journal of Zakat*, 5(3), 44-56.